



Upoznajte sve ljepote Zapadne Turske po super povoljnoj cijeni!

7 noćenja sa doručkom uz uključeni avio prevoz, aerodromske takse i organizaciju putovanja u aprilu.

Super Cijena!

Kriminalne radnje direktora OŠ "Dubravica – Preočica" Vitez

## Ko štiti Suada Traku na poziciji direktora

Objavljeno: 21. 06. 2014 - 15:03

[Novosti](#) » [Iz minute u minutu](#)

A A A Times Arial

Share



U utorak rano ujutro u Preočicu kod Viteza su došli pripadnici Federalne uprave policije, te nakon oduzimanja dokumentacije u školi, priveli i samog direktora Suada Traku, te bi svemu sudeći mogao biti krivično gonjen.

Naime, Suad Trako je u navedenoj školi u proteklom periodu izvršio niz krivičnih djela, a koje je zajedno sa još nekoliko članova Upravnog odbora pokušavao prikriti, te postoji osnovana sumnja da su i članovi Upravnog odbora svjesno prikrivajući i zataškivajući brojne malverzacije u ovoj školi činili krivična djela.

Glavni kantonalni inspektor Ministarstva obrazovanja, nauke, kulture i sporta SBK, Refija Kulašin je dala prijedlog Ministarstvu za prijevremeno razriješenje direktora Suada Trake.

Naime u prijedlogu za prijevremeno razriješenje stoji kako je direktor Suad Trako Ministarstvu dao netačne podatke o broju učenika u Područnoj školi u Počulici i Ahmićima, čime je svjesno obmanuo Ministarstvo i krivotvorio podatke.

Također, zapisnikom sačinjenim, inspektori su utvrdili da je direktor prikazao Ministarstvu da u područnoj školi Ahmići ima tri učenika trećeg razreda, a realno nije postojao ni jedan učenik.

### **Zloupotrijebio vlastito dijete**

Da bi opravdao lažni podatak o učenicima trećeg razreda, direktor Suad Trako je svoju kćerku koja je prvi i drugi razred pohađala u Preočici, gdje sa roditeljima i živi, bez ikakvih odobrenja nadležnog ministarstva, premjestio u Područnu školu Ahmići.

Svjesna namjera direktora bila je da Ministarstvu prikaže veći broj učenika i postojanje četiri razreda i osigura da se odobre dvije kombinacije (prvi i treći te drugi i četvrti), odnosno jedno odjeljenje više od školske 2012/2013. godinu, čime je u zabludu doveo Ministarstvo koje je dalo saglasnost na formiranje dvije kombinacije sa po 2 razreda, a slijedom toga i saglasnost na raspisivanje konkursa za radno mjesto nastavnika razredne nastave, a koje je nastalo kao iskazana, a neutemeljena potreba u Područnoj školi Ahmići.

Netačan broj učenika direktor je prikazao ne samo Ministarstvu, nego i Upravnom odboru škole na sjednici 29.06.2013. godine, kada su donosili odluku o broju odjeljenja.

Na tako dobijenu saglasnost za raspisivanje konkursa i broj odjeljenja u Područnoj školi, direktor je stvorio pretpostavke da njegova supruga Rijaza Trako konkuriše i zasnuje radni odnos gdje istovremeno izvodi nastavu svom djetetu.

Zbog očite svjesne namjere direktora Suada Trake da netačnim prikazivanjem podataka i korištenjem čak i vlastitog djeteta dovede u zabludu Ministarstvo, čime je prekoračio svoja ovlaštenja i zloupotrijebio svoj položaj, prouzrokovao je veliku finansijsku štetu ne samo Budžetu Kantona, nego i OŠ „Dubravica“ Vitez-Počulica, uposlenicima, kao i djeci koja pohađaju navedenu školu.

## **Ministarstvo se oglušilo**

Ministar obrazovanja, nauke, kulture i sporta Jozo Jurina (HDZ) je prema zakonu bio dužan da u roku od 60 dana donese odluku o prijevremenom razriješenju, što nije učinio.

Naime, ministar Jozo Jurina je dao na volju Upravnom odboru ove škole da ga razriješe dužnosti direktora, što ni ovi nisu uradili, nego su predmet samo vratili u Ministarstvo kako bi isti donio konačnu odluku, a sve sa ciljem što dužeg odugovlačenja, kako bi Suad Trako za to vrijeme mogao eventualno angazovati advokata.

U međuvremenu, Upravni odbor ove škole se razbježao i niko se ne pojavljuje na sjednicama, a u školi je prava agonija.

Autor: E. R.